

wie / sich daz jemer gefuogti susz ald so. den selben schaden allen. soellint⁷ wir ald vnser⁵ erben. jnen ald jren erben och allweg ân allen jren schaden vssrichten⁵ widerkeren vnd bezaln. vnd jren schlechten worten dârvmb gelôben ân ayd. Vnd wâ wir daz och nicht / tactint. so sont si vnd all jr helffer och dârnâch wenn sù went vollen gewalt vnd fryges vrlob haben. vns⁵ ald vnser⁵ erben. dârvmb anzegriffent ze hefftent vnd ze pfendent jn der wyse als pfandung hie vor an disem brief von vns⁵ vnd och von jnen / geschriben stât vnd erlôbet ist. och als lang als dikk vnd als vil vntz⁵ daz sù hievon gantzlich âne allen jren schaden erloeszt⁷ gedediget vnd vnclagber gemacht werdent ân gevaerd³. Vnd .E. ensol och vns noch vnser⁵ erben. dirr brief niemer ledig sin / noch wider werden ôch ân all gevaerd³. Wir dikkgenanter Grâf Albrecht habint och vns⁵ selber vnd vnser⁵ erben. jn disem vorgeschribenn kôff namlich behalten gedinget vnd vssgenommen⁵. Daz wir och vollen gewalt guot⁴ Recht vnd. fryges vrlob haben soellint⁷ / disen vorgeschribenn vnser⁵ tail vnd aellû³ vnser⁵ Recht so wir an dem vorgeantent zehenden gehept. vnd dem vorgeantent Hainrichen Stoekklin⁷ hie mit disem gegenwürtigen brief ze kôffent geben habint. gantzlich wider ze kôffent. von jm ald sinen / erben. wenn wir nv hinnenhin wellint oder mugent es sig vber⁵ kurtz ald vber⁵ lang zit. Allweg vor sant Johans tag des Tôffers ze Sünwenden vngevârlich. vnd och vmb zwai hundert vnd viertzig pfunt guoter⁴ vnd genaemer³ pfenning Costentzer / mûnsz. ald vmb so vil der mûnsz die denn ze mâl so der widerkôff beschehen sol ze veltkilch jn der Statt fûr Costentzer pfenning vngevârlich geng loeffig⁷ vnd genaem³ ist. vnd welches jâres och der widerkôff also vor dem selben sant Johans / tag geschiht vnd vollfuert² wirt. so sol vns⁵ vnd vnser⁵ erben. der obgeschriben vnser⁵ tail vnd aellû³ vnser⁵ Recht des obgenantent zehenden mit aller zuogehoerde¹⁸. dannenhin wider ze Rechtem aigen veruallen vnd gevallen. vnd och dirr gegen-/würtig brief gar vnd gantzlich quitt ledig vnd lôs sin von jm vnd allen sinen erben. ân aller maenglich³ widerred sumung vnd jerrung ân all gevaerd³. Nâch allen stukken ist jn dirr sach och namlich beredt vnd gedinget. waer³ ob dirr gegen-/würtig brief. an dehainen stukken gebresthafft wûrd. daz waer³ an Bermit von Masen. von abrisung der geschrift von verkerung ald gebresten der jnsigel. ald ob daz